

S T A T U T

Na temelju Odluke Izvršnog odbora RS BiH o izmjenama i dopunama Statuta Rukometnog saveza Bosne i Hercegovine, Skupština Rukometnog saveza BiH na sjednici održanoj 11.03.2007. godine donosi :

S T A T U T

RUKOMETNOG SAVEZA BOSNE I HERCEGOVINE

1. OSNOVNE ODREDBE

Član 1.

Rukometni savez Bosne i Hercegovine (u daljnjem tekstu RS BiH) je strukovni sportski savez Rukometnih klubova iz Bosne i Hercegovine; i predstavnika Rukometnog Saveza H-B sa sjedištem u Mostaru (u daljnjem tekstu RS H-B) i predstavnika Rukometnog saveza Republike Srpske sa sjedištem u Banja Luci (u daljnjem tekstu RS RS);

RS BiH je član Međunarodnih rukometnih organizacija (IHF i EHF).

Član 2.

RS BiH je izvan stranačka i nepolitička organizacija.

RS BiH ne dopušta rasnu, nacionalnu, vjersku ni političku diskriminaciju, te kršenje sloboda i prava čovjeka i građanina.

Član 3.

RS BiH ima svojstvo neprofitne pravne osobe i registrovan je kod nadležnog državnog organa Bosne i Hercegovine.

Član 4.

Puni naziv RS BiH je: Rukometni savez Bosne i Hercegovine.

Pored punog naziva Rukometni savez može upotrebljavati kraticu: RS BiH.

Sjedište RS BiH je u Sarajevu.

RS BiH djeluje na području Bosne i Hercegovine (u daljnjem tekstu BiH).

Član 5.

RS BiH ima zastavu, znak i pečat.

Izgled zastave, znaka i pečata, te način njihove upotrebe i zaštite, utvrđuje Predsjedništvo RS BiH posebnom odlukom.

Član 6.

RS BiH pred drugim organizacijama i organima predstavlja i zastupa Predsjednik, a u njegovoj odsutnosti ili spriječenosti dopredsjednik ili Generalni sekretar.

2. CILJEVI I NADLEŽNOSTI

Član 7.

Ciljevi RS BiH su:

- razvoj i promicanje rukometa, t.j. rukometne aktivnosti na teritoriju BiH,
- međunarodna sportska saradnja,
- saradnja s odgovarajućim društvenim, naučnim i stručnim organizacijama i organima na realizaciji zadataka od zajedničkog interesa.

Nadležnosti RS BiH su:

- predstavljanje rukometnog sporta i u BiH u Međunarodnim Rukometnim organizacijama (IHF / EHF),
- održavanje kontakata s IHF - om, EHF - om i odgovarajućim međunarodnim sportskim udruženjima,
- nominiranje svojih predstavnika u odgovarajuća tijela IHF i EHF ili drugih međunarodnih sportskih udruženja,
- definiranje osnovnih odredbi kojima se rukovodi organizacija i administriranje rukometom u BiH,
- rukovođenje najkvalitetnijim takmičenjem Prvenstva i KUP-a BiH, u svim kategorijama na cijeloj BiH, te definiranje osnovnih odredbi njihovog realiziranja,
- sudjelovanje u međunarodnim takmičenjima i u skladu tome organiziranje i rukovođenje svim reprezentativnim selekcijama BiH.

3. ČLANSTVO**Član 8.****Članovi RS BiH su:**

- predstavnici rukometnih klubova iz BiH i predstavnici Rukometnih saveza RS H-B, RS RS i RS BiH.

Član 9.

Članovi RS BiH svojim Statutom i drugim općim aktima uređuju unutarne odnose, način organiziranja i takmičenja u skladu s osobnim potrebama, ali u saglasnosti s glavnim IHF / EHF pravilima i odredbama Statuta i općih akata RS BiH, koja su definirana kao pitanja od zajedničkog interesa.

Član 10.

Članice RS BiH imaju jednaka prava da:

- preko svojih predstavnika aktivno sudjeluju u radu i odlučivanju u svim organima i tijelima RS BiH,
- njihovi predstavnici biraju i budu birani u organe i tijela RS BiH,
- aktivno sudjeluju u utvrđivanju programa i plana rada RS BiH i sudjeluju u njihovoj realizaciji,
- ostvaruju međunarodnu saradnju u skladu sa programom međunarodne saradnje RS BiH, uvažavajući pravo na posebne odnose s rukometnim federacijama užeg i šireg okruženja, u skladu sa propisima IHF / EHF-a,
- ostvaruje zaštitu svojih prava.

Članovi RS BiH su obvezni da:

- poštuju Statut, pravilnike i odluke RS BiH,
- poštuju akta, odredbe i odluke IHF / EHF-a, kao i da poštuju i primjenjuju Pravila igre usvojena i objavljena od strane IHF / EHF-a,
- međusobno saraduju radi ostvarivanja ciljeva i zadataka iz nadležnosti RS BiH,
- poštuju principe fair playa i jasno ih iskazuju u svom djelovanju,
- učine sve da spriječe bilo kakvu političku, vjersku, spolnu ili rasnu diskriminaciju i spriječe favoriziranje interesa bilo koje sredine što može dovesti do štete ili može štetiti rukometnom sportu u Bosni i Hercegovini,
- respektiraju i promoviraju interese RS BiH.

Član 11.

Članstvo u RS BiH prestaje:

- istupanjem po sopstvenoj volji Članice RS BiH, o čemu odluku donosi

Izvršni Odbor RS BiH (u daljnjem tekstu IO RS BiH)

- prestankom postojanja Članice RS BiH (brisanje iz registra),
- ukoliko Udruženi Član ozbiljno i u ponovljenom slučaju ugrozi Statut, pravilnike i odluke RS BiH, o čemu konačnu odluku donosi IO RS BiH;

Član 12.

Članica RS BiH može povući svoje članstvo u Rukometnom savezu, po sopstvenoj volji na kraju finansijske godine, pod uslovima da je to najavila kancelariji RS BiH najkasnije 2 (dva) mjeseca unaprijed uz odluku IO RS BiH, u skladu sa **članom 11** ovog Statuta

Povlačenje se najavljuje pismeno, preporučenom poštom na adresu kancelarije RS BiH.

Član 13.

Članica RS BiH mora izmiriti sve svoje finansijske obveze prema RS BiH prije nego se povuče, po odluci IO RS BiH, u skladu sa **članom 11** ovog Statuta.

Član 14.

Ukoliko Članica ili zvaničnik RS BiH počini ozbiljnu povredu ovog Statuta, pravilnika i odluka RS BiH Izvršni odbor – Predsjedništvo RS BiH će prava Članice RS BiH suspendirati s trenutnim stupanjem na snagu.

Član 15.

Odluka o suspenziji vrši se na način i u skladu sa članom 11. ovog Statuta.

4. USTROJSTVO I UPRAVLJANJE

Član 16.

Tijela RS BiH su:

- A. Skupština RS BiH,
- B. Predsjedništvo RS BiH,
- C. Izvršni odbor i
- D. Nadzorni odbor

A. Skupština RS BiH

Član 17.

Skupština RS BiH (u daljnjem tekstu Skupština) je najviše tijelo RS BiH.

Članovi RS BiH sudjeluju u upravljanju poslovima RS BiH preko svojih zastupnika u Skupštini.

Član 18.

Skupština, kao najviše tijelo Saveza, ima pravo i obvezu da:

- donosi, odobrava i mijenja Statut RS BiH,
- proučava i odobrava sve izvještaje o radu tijela RS BiH,
- obavlja i druge poslove iz djelokruga aktivnosti RS BiH u skladu sa zakonom, Statutom i drugim aktima RS BiH.
- Bira i razrješava Predsjedništvo RS BiH,
- Bira i razrješava Izvršni odbor RS BiH.

Član 19.

Skupština može biti:

- redovita,
- izborna i
- izvanredovita.

Redovita Skupština se održava najmanje jednom u toku godine, a izborna Skupština svake četiri (4) godine.

Vanredna Skupština se održava po potrebi.

Skupština na izvanredovitoj sjednici raspravlja i odlučuje samo o pitanjima radi kojih je sazvana.

Članovi Skupštine obavijesti o dnevnom redu Skupštine moraju dobiti najmanje 15 (petnaest) dana prije održavanja sjednice.

Prijedlozi za izmjenu i dopunu normativnih akata RS BiH, koje donosi Skupština, moraju biti dostavljeni Članicama RS BiH najkasnije 15 (petnaest) dana prije održavanja Skupštine.

Sjednicom Skupštine predsjedava Predsjednik, a u njegovoj odsutnosti jedan od dopredsjednika, po utvrđenom redoslijedu.

Sjednicom izborne Skupštine predsjedava radno predsjedništvo, do izbora Predsjednika.

Član 20.

Izvanrednu sjednicu Skupštine saziva Predsjednik RS BiH:

- po svojoj ocjeni,
- na zahtjev Predsjedništva RS BiH,
- na zahtjev 1 / 4 ukupnog broja delegiranih predstavnika u Skupštini RS BiH.

Zahtjev za Izvanrednu Skupštinu obrazlaže se u pismenom obliku s predloženim dnevnim redom.

Ukoliko je zahtjev opravdan, po ocjeni I.O. RS BiH, sjednica Skupštine se mora održati u roku 2 (dva) mjeseca.

Dnevni red Izvanredne Skupštine se ne može mijenjati.

Član 21.

Skupštinu RS BiH čine zastupnici Članica RS BiH.

Sukladno dogovoru o zastupljenosti u zajedničkim tijelima, Skupštinu RS BiH broji 105 članova i to:

- 35 predstavnika iz RS HB
- 35 predstavnika iz RS RS
- 35 predstavnika iz RS BiH

ukoliko dođe do promjene broja člana Skupštine, IO RS BiH će donijeti odluku o prijemu novonastalih (ili ugašenih) klubova iz BiH u (iz) članstvo - a Skupštine.

Predsjednik, dopredsjednici i članovi IZVRŠNOG ODBORA RS BiH nemaju pravo glasa kada se na Skupštini odlučuje o izvješćima organa čiji su članovi.

Član 22.

Način izbora predstavnika Članica RS BiH u Skupštinu vrši se u skladu aktima Članova RS BiH, uvažavajući članak 2., stavak 2. ovog Statuta.

Član 23.

Svake 4 (četiri) godine održava se Izborna Skupština i ustrojava novi sastav Skupštine

Mandat zastupnika u Skupštini traje četiri (4) godine.

Član 24.

Zastupniku u Skupštini mandat može prestati i prije isteka roka na koji je izabran i to:

- ako je opozvan,
- podnošenjem osobne ostavke i
- odlukom članova RS BiH o promjeni zastupnika.

Opoziv zastupnika obnaša se na način i po postupku predviđenom za njegov izbor.

Mandat novo izabranog zastupnika traje do isteka mandata Skupštine RS BiH odgovarajućeg saziva.

Član 25.

Skupština pravovaljano odlučuje samo ako je sjednici nazočno 3 / 4 od ukupnog broja delegiranih članova Skupštine.

Skupština donosi pravovaljane odluke glasovima 4 / 5 od ukupnog broja članova Skupštine.

Pravo glasa se može prenijeti na opunomoćenika.

Poslovníkom o radu Skupštine određuje se način rada i odlučivanja na Skupštini, vladanje nazočnih, kao i njihova ina prava i obveze.

Član 26.

Slijedeće odluke su izuzetak i mogu se prihvatiti u slučaju nazočnosti većine zastupnika Članica RS BiH i ako za odluku glasuje više od 3 / 4 od ukupnog broja članova Skupštine:

- dugoročni i srednjoročni programi rada,
- obujam i sadržaj međunarodne suradnje.

Član 27.

Odluke Skupštine stupaju na snagu i provode se odmah, ukoliko Skupština drugačije ne odluči.

B. Predsjedništvo

Član 28.

Predsjedništvo RS BiH (u daljnjem tekstu Predsjedništvo) je tijelo koje upravlja RS BiH sukladno Zakonu, Statutu i drugim općim aktima RS BiH.

Predsjedništvo za svoj rad odgovara Skupštini.

Mandat članova Predsjedništva traje 4 (četiri) godine, uz primjenu principa rotacije. Ukupno trajanje mandata Predsjednika RS BiH je 16 mjeseci.

Član 29.

Članu Predsjedništva mandat može prestati i prije vremena na koji je izabran:

- opozivom od strane Člana RS BiH koja ga je predložila,
- ostavkom,
- nastankom okolnosti zbog kojih nije u mogućnosti obavljati svoje dužnosti.

Član 30.

Predsjedništvo ima 3 (tri) člana i to:

- Predsjednik ili predstavnik RS BiH
- Predsjednik ili predstavnik RS H - B
- Predsjednik ili predstavnik RS RS

Član 31.

Predsjedništvo:

1. upravlja radom RS BiH,
2. upravlja međunarodnim kontaktima RS BiH,
3. utvrđuje prijedlog Statuta i drugih općih akata koje donosi Skupština,
4. donosi opće akte iz svoje nadležnosti,
5. rukovodi proračunom RS BiH i u okviru financijskog plana odlučuje o rasporedu i uporabi financijskih sredstava, sukladno prilivu sredstava, zajedno s Izvršnim odborom;
6. upravlja svom pokretnom i nepokretnom imovinom RS BiH,
7. odlučuje o obavljanju privredne djelatnosti,

8. određuje naredbodavca i utvrđuje im ovlasti za finansijsko poslovanje,
9. imenuje zastupnike RS BiH u tijela drugih međunarodnih organizacija i udruženja,
10. daje tumačenje općih akata RS BiH,
11. odlučuje i o drugim pitanjima predviđenim ovim Statutom i aktima RS BiH, te obavlja i druge poslove sukladno svojim ovlastima.
12. Predlaže imenovanje Generalnog sekretara i komesare tekmičenja Izvršnom odboru.

Član 32.

Predsjedništvo radi u sjednicama i sukladno Poslovniku o radu Predsjedništva.

Sjednice Predsjedništva saziva i predsjedava im predsjednik RS BiH, a u slučaju njegove odsutnosti dopredsjednik RS BiH po redoslijedu.

Sjednice Predsjedništva održavaju se najmanje jednom u 2 (dva) mjeseca.

Član 33.

Predsjedništvo može pravovaljano odlučivati ako su sjednici nazočni svi članovi predsjedništva.

Predsjedništvo, po pravilu, odluke donosi usaglašavanjem.

C.- IZVRŠNI ODBOR

Član 34.

Izvršni odbor je operativno tijelo RS BiH, koje upravlja aktivnostima RS BiH sukladno Zakonu, Statutu i drugim općim aktima RS BiH.

Izvršni odbor za svoj rad odgovara Predsjedništvu i Skupštini RS BiH.

Mandat članova Izvršnog odbora traje 4 (četiri) godine.

Član 35.

Izvršni odbor ima 12 (dvanaest) članova.

Članove izvršnog odbora predlažu članovi predsjedništva uz suglasnost s članicama RS BiH i to:

- 4 (četiri) člana iz RS BiH
- 4 (četiri) člana iz RS RS
- 4 (četiri) člana iz RS H-B,

a njihov izbor verificira Skupština RS BiH.

Kvorum na sjednici čini 10 (deset) od 12(dvanaest) članova IO RS BIH . io rs bih donosi odluke usaglašavanjem a odluke postaju punovažne ako za njih glasa 10 (deset) od 12 (dvanaest) članova , odnosno 5/6 od ukupnog broja članova IO RS BiH .

Sjednice IO RS BiH održavaju se najmanje jednom u toku dva mjeseca .

Članovima IO RSBiH mandat može prestati prije vremena na koji je izabran:

- opozivom od strane članice RSBIH koja ga je predložila
- ostavkom
- nastankom okolnosti u kojima nije u mogućnosti obavljati svoju dužnost

Član 36.

Izvršni odbor RS BiH :

- upravlja radom RS BiH,
- utvrđuje prijedlog Statuta i drugih općih akata koje donosi Skupština,
- donosi opće akte iz svoje nadležnosti,
- odlučuje o zaštiti zakonitosti kao vanrednom pravnom lijeku.

- predlaže izradu srednjoročnog plana i programa razvoja u olimpijskom ciklusu,
- rukovodi proračunom RS BiH i u okviru finansijskog plana odlučuje o rasporedu i uporabi finansijskih sredstava sukladno prilivu,
- utvrđuje sustav natjecanja, donosi Kalendar i Propozicije natjecanja za sve dobne uzraste, prvenstva i Kup-a BiH,
- skrbi o provođenju sustava natjecanja prvenstva BiH i završnice Kup-a,
- odlučuje o obavljanju privredne djelatnosti,
- određuje naredbodavca i utvrđuje mu ovlasti za finansijsko poslovanje,
- imenuje generalnog sekretara na prijedlog Predsjedništva RS BiH
- imenuje tri komesara takmičenja na prijedlog Predsjedništva RS BiH , uz prethodni prijedlog članice (Saveza) RS BiH .
- osniva stalna i povremena radna tijela – komisije i utvrđuje im programe rada,
- brine o Državnim izbornim vrstama i određuje izvršenje predviđenih programa u njihovoj aktivnosti,
- bira i razrješava trenere Državnih reprezentacija,
- sukladno IHF / EHF propisima i standardima određuje politiku razvoja i unapređenja trenerskog i strukovnog kadra,
- daje tumačenje općih akata RS BiH,
- odlučuje o organizaciji i načinu obavljanja stručno-tehničkih i administrativno-tehničkih poslova za potrebe RS BiH i članica RS BiH,
- odlučuje i o drugim pitanjima predviđenim ovim Statutom i aktima RS BiH, te obavlja i druge poslove sukladno svojim ovlastima,

Član 37.

Za pripremu prijedloga i stručnu obradu pojedinih pitanja iz svoje nadležnosti Izvršni odbor ima stalna i povremena radna tijela-povjerenstva, kao i stručna i pomoćna tijela u svome radu.

Stalna radna tijela Izvršnog odbora su:

- Udruženje Premijerligaša (muški , ženski)
- Udruženje sudija i delegata
- Udruženje trenera
- Takmičarska komisija (drugostepeno tijelo)
- Registraciona komisija
- Disciplinska komisija
- Stručna komisija
- Komisija za izradu normativno – pravnih akata – propisnika
- Komisija za međunarodnu saradnju
- Komisija za marketing i informisanje
- Zdravstvena komisija.

Stalna i povremena radna tijela RS BiH će biti formirana na principu jednakog broja delegiranih članova članica RS BiH. Pravilnik ili druge akte organizovanja i rada stalnih i povremenih radnih tijela usvaja IORS BIH na prijedlog tijela .

Član 38.

UDRUŽENJE LIGAŠA

Klubovi Premijer lige BiH mogu osnovati Udruženja klubova Premijer lige BiH za žene i muškarce (u daljem tekstu Udruženje ligaša) .

Udruženje ligaša radi u skladu sa Statutom Rukometnog saveza BiH i drugim

aktima Rukometnog saveza BiH .

Udruženje ligaša raspravlja i predlaže sustav takmičenja i po potrebi raspravlja o drugoj problematici takmičenja , te svoje prijedloge dostavlja Izvršnom odboru RS BiH .

Udruženje ligaša ima svoj Pravilnik o radu koji usvaja Izvršni odbor Rukometnog saveza Bosne i Hercegovine .

Član 39.

UDRUŽENJE TRENERA

Udruženje trenera čine svi rukometni treneri posredstvom svojih osnovnih Udruženja – zborova trenera .

Trener je osoba , koja programira i provodi sportske pripreme i sportsku obuku .

Udruženje trenera ima svoje Pravilnike i akte koji regulišu navedenu problematiku i koji su verificirani od strane Izvršnog odbora RS BiH .

Član 40.

UDRUŽENJE SUDACA I DELEGATA

Udruženje sudaca i delegata čine svi rukometni suci posredstvom svojih Udruženja – zborova sudaca .

Udruženje sudaca i delegata obavljaju poslove iz svojih nadležnosti a koji su u skladu sa propisima IHF – a i EHF – a .

Udruženje sudaca i delegata ima svoje Pravilnike o radu i druge akte koji su u saglasnosti sa aktima Rukometnog saveza BiH i koje je usvojio Izvršni odbor Rukometnog saveza BiH .

Udruženje sudaca može predložiti Izvršnom odboru RS BiH liste sudaca i delegata – kontrolora kao i liste prijedoga sudaca i kontrolora međunarodnog ranga.

Član 41.

Djelokrug i ovlaštenja u radu i djelovanju radnih tijela iz predhodnog članka utvrđuju se Poslovníkom o radu Izvršnog odbora ili aktima tijela koje usvaja Izvršni odbor RS BiH.

Mandat, način izbora, način rotiranja (predsjednika – dopredsjednika) stalnih radnih tijela vrši se u skladu sa opštim aktima usvojenim od strane Izvršnog odbora RS BiH.

5.NADZORNI ODBOR RS BiH

Član 42.

Nadzorni odbor RS BiH je tijelo Rukometnog saveza sa zadatkom:

- nadzor nad djelatnošću RS BiH,
- nadzor izvršavanja odluka i zaključaka Skupština RS BiH i Izvršnog odbora,
- provjera i pridržavanje utvrđenih normi i akata RS BiH i poštivanja ovog Statuta.

Član 43.

Članove Nadzornog odbora bira Skupština RS BiH. Mandat članova Nadzornog odbora traje 4 (četiti) godine i ista osoba može biti birana još jedan put u novom mandatnom razdoblju. Nadzorni odbor broje 3 (tri) člana.

Član 44.

Način rada Nadzornog odbora propisuje se Poslovníkom o radu koji donosi

Nadzorni odbor. Stručne, administrativne poslove za Nadzorni odbor obavljaju stručne službe RS BiH.

6. GENERALNI SEKRETAR RS BiH

Administrativno – tehnički poslovi RS BiH

Član 45.

RS BiH ima generalnog sekretara.

Generalnog sekretara imenuje Izvršni odbor RSBiH na prijedlog Predsjedništva RS BiH na vrijeme od četiri (4) godine.

Član 46.

Generalni sekretar obavlja poslove koje mu povjeri Predsjedništvo i Izvršni odbor koji proizlaze iz Statuta i drugih akata RS BiH, a naročito da:

- sa stručnim suradnicima obavlja sve neophodne pripreme za sjednice Skupštine, Predsjedništva, Izvršnog odbora i njegovih tijela,
- realizira odluke Skupštine, Predsjedništva, Izvršnog odbora i njegovih tijela,
- ostvaruje suradnju s Međunarodnom rukometnom organizacijom (IHF i EHF) i s Članovima RS BiH,
- ostvaruje kontakte s državnim, sportskim i drugim savezima i organima,
- organizira i rukovodi radom ureda Saveza i brine se o uslovima za efikasan i racionalan rad,
- ovjerava i potpisuje takmičarska dokumenta za Prvenstvo BiH i Završnicu Kup-a BiH u skladu sa Propisima o registraciji i IHF - EHF pravilima,
- ovjerava međunarodne prelaze igrača i prelaze igrača između klubova koji nisu u nadležnosti iste Članice RS BiH,
- brine o sredstvima i njihovoj racionalnoj i zakonskoj upotrebi u skladu sa finansijskim planom i zakonom,
- predlaže Predsjedništvu i Izvršnom odboru broj i profil stručnih saradnika i uslove pod kojima se angažuju,
- izvještava javnost i sredstva informiranja u vezi s radom i djelovanjem Saveza, u dogovoru sa Predsjedništvom RS BiH.
- Štiti zakonitost rada RS BiH,
- Obavezno prisustvuje sjednicama I.O. RS BiH i predsjedništva RS BiH bez prava odlučivanja .

Član 47.

Generalni sekretar je samostalan u svom radu, a za svoj cjelokupan rad i djelovanje je odgovoran Predsjedništvu i Izvršnom odboru.

Generalnog sekretara u slučaju spriječenosti zamjenjuje osoba koju odredi Predsjedništvo.

Član 48.

Generalni sekretar zasniva radni odnos s RS BiH u skladu sa općim propisima utvrđenim Zakonom i općim aktima RS BiH.

Izvršni odbor može razriješiti dužnosti Generalnog sekretara na prijedlog Predsjedništva RS BiH i prije isteka vremena za koje je imenovan ako:

- ne ostvaruje ciljeve i zadatke koje su mu povjerene,
- svojim radom i vladanjem svjesno radi suprotno odredbama ovog Statuta i općih akata Saveza,

- neutemeljeno odbija sprovođenje odluke organa i tijela Saveza, a koje nisu u suprotnosti s ovim Statutom i Zakonom,

Član 49.

Obavljanje stručnih, administrativno - tehničkih, materijalno - finansijskih i pomoćnih poslova RS BiH obavlja kancelarija Saveza.

Radnici zaposleni u kancelariji Saveza udružuju svoj rad u RS BiH i ostvaruju svoja prava iz radnog odnosa u skladu sa Zakonom i općim aktima RS BiH.

Radom kancelarije Saveza upravlja Generalni sekretar RS BiH.

7. SISTEM TAKMIČENJA

Član 50.

U sferi organiziranja i djelovanja rukometne organizacije , vodstvo RS BiH dužno je brinuti o sveukupnom napretku svojih članica i svih područja organiziranosti rukometnog sporta .

U definisanju sistema takmičenja obavezno se uvodi načelo decentraliziranog odlučivanja i vođenja , kao cilj uključenja i razvoja svih područja države BiH .

U vođenju sistema takmičenja moraju biti uključeni kadrovski i operativno predstavnici svih članica RS BiH (Saveza) , kroz načela – principa ravnopravnosti i godišnje rotacije mjesta vođenja ligaških takmičenja (uredi / kancelarije : Banja Luka , Mostar i Sarajevo) i to počevši od takmičarske sezone 2007/2008 (jesen – proljeće).

Sistem takmičenja vode tri komesara takmičenja (Premijer lige za žene , Premijer lige za muškarce , te KUP takmičenje i takmičenje omladinskih ekipa) koje imenuje Izvršni odbor RS BiH na prijedlog pojedine članice RS BiH (Saveza).

Detaljan i razrađen sistem takmičenja – Propozicije takmičenja , dužan je usvojiti IORS BiH najkasnije mjesec dana do početka takmičarske sezone , a na prijedlog Komesara , Udruženja ligaša i slične komisije .

8. DRŽAVNE REPREZENTACIJE

Član 51.

Predsjedništvo i Izvršni odbor RS BiH, su obvezni da vode brigu o državnim reprezentacijama BiH u svim uzrasnim kategorijama i stvaranju uslova u cilju postizanja što boljih rezultata.

Član 52.

Pravilnik o Državnim reprezentacijama BiH regulira način izbora stručnih štabova reprezentacija, poslove i zadatke izabranih kao i njihovu odgovornost za stručan pravilan rad, te druga pitanja od interesa za uspješan rad reprezentacija.

Pravilnik o Državnim reprezentacijama BiH donosi Izvršni odbor na prijedlog Predsjedništva RS BiH.

9. FINANCIRANJE

Član 53.

Za obavljanje poslova i zadataka Savez osigurava potrebna finansijska i druga sredstva.

Sredstva se mogu prikupljati:

- iz proračuna Države BiH,
- od članarine članova RS BiH,
- kotizacije klubova,

- putem sponzora i donacija,
- po osnovu propagandno privredne djelatnosti,
- iz prihoda ostvarenih organiziranjem sportskih manifestacija,
- iz drugih izvora, u skladu sa zakonom.

Član 54.

Raspodjela ukupnih sredstava strogo je namjenska i mora se koristiti isključivo za poslove i zadaće u skladu sa finansijskim planom i programom rada koje donosi IO RS BiH , vodeći računa o razvoju svih članica RS BiH .

10. ZAVRŠNE ODREDBE

Član 55.

Članice RS BiH prihvataju da će sve probleme u vezi s odredbama pravilnika rukometnog sporta, međusobnih odnosa, kako pojedinaca tako i klubova, Članica RS BiH ili nižih oblika organiziranja, rješavati u okviru i u skladu s aktima RS BiH i da ne mogu rješenje svojih zahtjeva i žalbi rješavati na civilnim sudovima.

Odluka organa RS BiH u postupku rješavanja predviđenim ovim Statutom je konačna i obavezujuća.

Član 56.

Izmjene i dopune ovog Statuta vrše se na način i po postupku za njegovo donošenje.

Član 57.

Tumačenje odredbi ovog Statuta daje Izvršni odbor – Predsjedništvo RS BiH.

Član 58.

Svi opći akti Saveza donijet će se dinamikom koju utvrdi Predsjedništvo RS BiH.

Član 59.

Tekst ovog Statuta je napisan na službenim jezicima Bosne i Hercegovine.

Član 60.

Ovaj Statut stupa na snagu danom njegova usvajanja, a primjenjivat će se od dana kada ga službeno objavi kancelarija Rukometnog saveza Bosne i Hercegovine.

U Sarajevu , 11.03.2007.

PREDSJEDNIK RS BiH

Petar Milanović
DOPREDSJEDNIK RS BiH

Nevenko Herceg
PODPREDSJEDNIK RS BiH

Mirsad Sirčo

